

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 453979 23 St
Tuzla, 24.04.2024.godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom „ Baraka BH Bio“ d.o.o ZAVNOBIH-a br.13,koje u svom sastavu ima podružnicu pod nazivom“ Baraka BH Bio „PJ Maloprodaja“ na adresi ul. ZAVNOBIH br.13.(Hotel Tuzla), nakon provedenog stečajnog postupka donio je slijedeće:

R J E Š E N J E

OTVARA SE stečajni postupak nad imovinom stečajnog dužnika „ Baraka BH Bio“ d.o.o ZAVNOBIH-a br.13,koje u svom sastavu ima podružnicu pod nazivom“ Baraka BH Bio „PJ Maloprodaja“ na adresi ul. ZAVNOBIH br.13.(Hotel Tuzla),MBS;1-8829,JIB4209265490007, ID broj 209265490007,račun broj: 1027090000000105 otvoren kod UNION BANKA d.d. Sarajevo.

Za stečajnog upravnika imenuje se Nedret Kikanović iz Tuzle, ul. Aleja Alije Izetbegovića br.25.

ZAKLJUČUJE SE stečajni postupak nad imovinom dužnika „Baraka BH Bio“ d.o.o ZAVNOBIH-a br.13,koje u svom sastavu ima podružnicu pod nazivom“ Baraka BH Bio „PJ Maloprodaja“ na adresi ul. ZAVNOBIH br.13.(Hotel Tuzla), zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj ploči suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku 8 dana od dana objavljivanja rješenja u „Službenim novinama F BiH“, a pravosnažno rješenje o zaključenju stečajnog postupka dostaviti će se Odjeljenju registra suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 453979 23, St od 18.12.2023.godine, pokrenut je prethodni postupak radi utvrđivanja uvjeta za otvaranje stečajnog postupka nad imovinom dužnika „Baraka BH Bio“ d.o.o ZAVNOBIH-a br.13,koji u svom sastavu ima podružnicu pod nazivom“ Baraka BH Bio „PJ Maloprodaja“ na adresi ul. ZAVNOBIH br.13.(Hotel Tuzla), za privremenog stečajnog upravnika imenovan je Nedret Kikanović iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je Izvještaj o provedenom prethodnom postupku ovom sudu dana 02.02.2024.godine. Iz izvještaja privremenog stečajnog upravnika o provedenom prethodnom postupku proizilazi da je navedeni pravni subjekt prestao sa radom 2019.godine kada je istom blokiran račun kod poslovne banke. Društvo ima jednu podružnicu, a djelatnost istog je bila proizvodnja, unutrašnji i vanjski promet. Obaveze dužnika „Baraka BH Bio“ d.o.o Tuzla odnose se na neplaćene obaveze po osnovu javnih prihoda Poreznoj upravi FBiH, KPU Tuzla kao i prema UINO BiH RC Tuzla po osnovu PDV-a.

Dakle, privremeni stečajni upravitelj je utvrdio da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti, da postoji stečajni razlog za otvaranje stečajnog postupka predviđen članom 6. stav 2. i članom 102. Zakona o stečaju.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 05.03.2024. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.500,00 KM na ime otvaranja stečajnog postupka, iz kojeg predumjmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresirana lica, objavljeno je u Službenim novinama F BiH broj 20/24 dana 15.03.2024.godine, oglasnoj tabli suda dana 06.03.2024.godine i na web stranici suda, kojim se objavama javni poziv smatra dostavljenim.

Obzirom da u ostavljenom roku koji je propisan zakonom predlagač, povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2. Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

STEČAJNI SUDIJA
Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama FBiH.